



奉

天承運

皇帝制曰朕寅紹丕基覃熙宙合仰荷

上蒼鴻佑

祖

考眷貽深宮劫愆益疊治安茲御極之二十有一年誕敷綸詔

特開恩榜嘉與天下士周諮博稽以裨集思廣益之治爾

多士其敬聽子詢士不通經不足致用經之學不在尋章

摘句也要為其有用者漢廷治獄多引經義其見於各傳

者如雋不疑蕭望之輩不一而足能述其事舉其辭歎其

狀元策

辛丑 恩科

一

以尙書春秋博士補廷尉史始於何人董仲舒春秋決事

十六篇今佚不傳困學紀聞所載凡三此外尙有存者否

周禮為周公致太平之書後之用者惟宇文泰蘇綽差為

近古而劉歆王安石或以文奸或以致弊豈周官果出於

偽託歟抑不善用者之過歟或謂漢法未備故有取於經

後則事皆有例援古反以滋疑然例文過多胥吏或以舞

弊何以用之克善歟民生艱易賴乎守令守令廉貪視乎

大吏虞廷三載考績周官六計弊治此允釐之要也漢以

六條察二千石唐考功有四善二十七最宋置考官院考

中外官當若何循名責實乃有裨於官箴民命歟今按兩



漢循吏傳則西京所載無非郡守班固至謂令若長不聞於時何也至於東京則王渙劉矩仇覽童恢並以令長列於循吏傳而魯恭劉寬與夫潁川之四長先後相望其故安在失爲守令者其首重者曰廉其次曰才然或潔清自好而政事不免於廢弛或材力有餘而節操不足以共信果如何而得有守有爲者分布郡縣也姑息適以養奸嚴威足以禁暴舜攝位而四凶服罪孔子攝相而少正卯誅古聖以生道殺人皆此意也而酒誥之文有謂爲小人傅會六經者韓非載魯哀公賈霜不殺菽之間有謂爲法家託聖言以文峭刻者果定論歟善乎崔實之言曰以嚴致

狀元策

辛丑 恩科

二

平深得達權救弊之理後儒有稱之者能引伸其說歟唐太宗論赦爲小人之幸能析其義歟至若保甲之制弭患未萌法至善也乃行之熙豐而反以滋其累用之南贛而民復稱其便其故何歟吏胥所以察奸兵弁所以緝盜乃或者聲息相通反爲援引何術以防之何法以懲之歟兵所以威天下實所以安天下漢之南北軍唐之府兵彊騎宋之更調明之團營皆陸路之兵也至海疆用兵若晉之孫恩盧循元之方國珍皆內寇窮蹙擁衆據險易就削平惟明胡宗憲戚繼光削平倭寇戰功尤著其所撰籌海圖編紀效新書非空談韜畧者可比其時若朱執之嚴海禁

疏鄭若曾之江南經畧唐順之之武編不皆有裨於實用
歟當茲入荒在宥七德有征決勝機宜權衡貴當將卒何
以汰其惰窳偵探何以測其阻深器械何以極其精良內
奸何以絕其勾結歟凡此者通經致用有治人而後有治
功課績考勤有實心而後有實政不以萬民向化弛詰奸
禁暴之防庶幾九有歸懷奏永遠綏邊之績多士橋門釋
褐學古入官拜獻先資毋泛母隱朕將親覽焉

狀元策

辛丑 恩科

三

世點齋等謹言

我朝心錄其心錄也

世點齋等謹言

臣對 臣聞學古所以多聞安民必先察吏祛邪斯能善俗

巡海乃可靖邊遐稽往籍易著觀文禮詳分職書重詰奸
之治詩陳有截之辭古帝王錫極臨宸斟元御宇以勤典
學簡編炳於鴻都以勵官常報最徵夫燕譽以除瑕穢安
輯著乎鳩民以壯聲靈肅清覬於鯨海莫不夙夜勤求
之實以握天人交應之機用能是彝是訓經術崇焉有守
有爲羣工懋焉無偏無黨王路遵焉貢奔貢皮外夷服焉
所由熙春泳化函夏翔和登斯民於上理者恃此也欽惟
皇帝陛下德昭位育治軼軌華闡孚惠於垓埏媿隆施於疇載

狀元策

辛丑 恩科

四

固已巍煥成文而班聯式序和親有象而威德兼施矣乃
聖懷冲挹猶切疇咨思至善之無遺好邇言之是察進臣等於

廷而策以明經訓飭官箴化邪民嚴海禁諸大政臣之愚味

尙足以知體要顧當對揚方始之時敬念敷奏以言之義

敢不勉述素所誦習者用效夫管窺蠡測之微忱乎伏讀

制策有曰士不通經不足致用而欲以經術爲吏治以除夫尋

章摘句之習此誠敦崇實學之至意也臣謹案漢廷治獄

多引經義如雋不疑蕭望之輩不一而足故其時有以尙

書春秋博士補廷尉史而董仲舒復著爲春秋決事十六

篇誠以諸經皆聖賢發教其內焉可爲窮理盡性之資外

焉可爲出謀發慮之助儒者讀書稽古將欲多識前言往
行豈徒誇記誦之繁侈淹雅之才云爾哉蓋必以學有心
得者出而見諸服官行政用以決大疑斷大獄而不沾沾
於俗吏之規爲也周禮爲周公致太平之書詳明精奧後
之用者惟宇文泰蘇綽差得其遺意若劉歆之附會則適
足以文奸王安石之堅僻則適足以致弊至以聖人致治
之具轉爲末俗藉口之端則非周官果出於僞託抑亦不
善用之過耳或謂漢承秦後法令未備故有取於經後則
事皆有例援古反以滋疑然例文繁重胥吏轉因緣以爲
奸而長吏之所行者皆爲具文矣夫士人窮經將以致用

狀元策

辛丑 恩科

五

當其服習伊始豈可不先爲切究致臨時倉皇失措也乎
聖天子振興文教倬漢爲章折衷衆論之異同薈萃諸儒之精
蘊多士幸逢斯盛有不思明經佐治爲體用兼備之學哉
制策又以民生艱易賴乎守令守令廉貪視乎大吏而因詳及

夫考課備舉夫循良此尤澄敘官方之要圖也臣惟民俗

之淳漓於吏繫之而吏治之賢否於人辨之虞廷之考績

以三載周官之弊治以六計後世考課之法此爲權輿漢

以六條案郡國而察二千石者五唐考功法有四善二十

七最綜其善最差以九等大意詳於所謂善而畧於所謂

最蓋善者德也最者才也唐制猶近古云宋置考官院考

中外官皆能循民覈實而有課吏之良方者自收能吏之實效也漢西京循吏傳郡守爲多至於東京則王渙劉矩仇覽童恢傳皆並列而魯恭劉寬與夫潁川四長後先相望皆賢令長也蓋吏治於斯爲盛矣夫爲守令者必先實心任事潔已奉公斯爲國爲民兩有裨益否則以廢弛爲安靜雖潔清自好而職事必墮而不脩以奔競爲才能雖肆應有餘而節操或難於共信惟在爲太史者精以察之嚴以策之清心寡欲俾愛憎無所私大法小廉使貪庸知所警斯用人用法兩得之矣所謂博採羣材弗愧古名臣之望因材器使足收良有司之效不重賴督率之有人耶

狀元策

辛丑 恩科

六

國家課績用人悉秉大公則吏稱其職有不民安其業者哉制策又以姑息適以養奸嚴威足以禁暴爰及夫保甲之制以弭患於未萌臣案舜攝位而四凶服罪孔子攝相而少正卯誅古聖人仁育義正以生道殺人故酒誥所以正商俗之靡其詞不嫌於過嚴而霽霜不殺菽論者不以爲祥而以爲災蓋寬則民慢非聖王布政優優之意也善乎崔寔之言曰以嚴致平深得達權救弊之理矣否則皆災肆赦乃好生之盛德而屢赦非國所宜識者譏之唐太宗亦論赦爲小人之幸誠以優容爲治必無以禁邪慝而儆將來耳夫除莠安良之法固莫善於保甲乃王安石行之熙豐

而民苦其擾王守仁行之南贛而民以爲安則又視乎行
法之得人能以實心行實政將不待多設科條而畏之者
已若秋霜之肅不必多立禁約而安之者咸游化日之舒
又何至藉弁兵以弭盜而彼反聲息相通恃吏胥以誥奸
而彼轉爲之援引哉蓋制之於已然不若防之於未萌耳
聖朝典章明備道一風同所爲經正民興共躋於蕩平之域也
制策又以兵威所以安天下而進詳夫防海之法臣案漢之南
北軍唐之府兵曠騎宋之更調明之團營皆陸路設兵而
未及夫水戰之法至海道用師則防禦較陸路爲尤難若
晉之孫恩盧循元之方國珍皆內寇窮蹙擁衆據險易就

狀元策

辛丑 恩科

七

削平惟明臣崇憲戚繼光剿平倭寇厥功甚偉所撰籌海
圖編紀效新書與朱紱之嚴海禁疏鄭若曾之江南經畧
唐順之之武編皆鋪陳形勢熟悉利害誠有裨實用之書
也夫靜謐者大同之規而豫防者萬全之策海之風候不
常則事之稽查匪易是必密察其勾引嚴禁其接濟而又
招之以散其黨撫之以誘其來絕內援以消寇盜之萌摧
外強以泯枝蔓之勢將卒汰其惰窳則不患有空藉而無
勝兵偵探測其阻深則不致誤倉皇而迷地利庶幾通數
之廓清立見而梯航之效順偕來則金湯鞏固於斯在矣
聖世德威遠播中外又安四夷來同萬邦納貢既入荒之在宥

復七德之有征行見寰海鏡清咸頌柔遠殺邊之盛積已
若此者宗經以考道熙績以釐工除暴以安良巡洋以防
海揚駿烈暢鴻庥仁聖之事駭帝王之道備矣臣尤伏願
皇上日新進德天健昭行探索已深而猶勤乙覽法廉已飭而
益勵寅恭邪慝已除而彌頒甲令澄清已奏而愈致申嚴
按經校德成龔六爲七之書稽古論功邁成五登三之治
由是淳風四溢協氣旁流上以迓蕃釐下以綏多祐則我
國家億萬載有道之長基此矣臣末學新進罔識忌諱干冒
宸嚴不勝戰慄隕越之至臣謹對

龔寶蓮

狀元策

辛丑 恩科

八

臣對臣聞學古所以入官察吏所以課績明刑所以弼教
奮武所以綏邊稽諸載籍易垂多識之文禮載任官之制
書紀輝惡之訓詩歌正域之章崇規矩秩然具駭自古
帝王對元御宇錫福同民以瞻體用則經學昌焉以昭法
守則吏治修焉以分良楛則民俗淳焉以徵不冒則海隅
化焉悉本恪恭謹守之衷以昭錫羨延洪之慶是故多見
多聞實學也有爲有守上理也惟威惟明良法也來格來
享盛治也懿鑠哉所由荃宰疑庥蘿圖集瑞者此耳欽惟
皇帝陛下建中立極壽世誠民闡孚惠於寰瀛媿隆施於幃幃
固已學崇樸茂而績奏循良法著嚴明而教徵漸被矣迺

聖懷沖挹不遺細微塵衢室之疇咨冀邇言之可察進臣等於

廷而策以敦經術考吏治正民俗嚴海防之至計如臣愚昧

奚補高深顧當嘉言罔伏之時敬念敷奏以言之義敢不

謹述平昔之所誦習者以勉效管窺蠡測之一得乎伏讀

制策有曰士不通經不足致用而因恩夫有用之學此誠尊崇

經訓之至意也臣惟經者羣聖之大道所寄百王之大法

所垂其在天下猶之日月行天江河行地無往而不昭也

夫禮樂詩書樂正造士之術春秋易象韓起觀魯之書三

代之人未有不兼通經術者也漢時經學昌明人才蔚起

一時內外諸臣皆以儒者而通於世務達於政治以經術

狀元策

辛丑 恩科

九

潤飾吏事如雋不疑蕭望之諸人載在史冊治行卓然外

此復有董仲舒春秋決事十六篇雖今佚不傳而因學紀

聞所載凡三則其通經致用之實固可類推也特是聖經

賢傳之所載必有善師其意者而後觀其會通不執泥古

之見得其大畧足爲經世之方昔周禮爲周公致太平之

書固爲千古之良法然後世用之者惟宇文泰蘇綽差爲

近古他若劉歆王安石之輩或以之而文奸或因之而致

弊此非周官之立法未善抑亦不善用者之過也夫儒者

監於成憲乃以裕學業之原達於時宜乃以顯猷爲之實

誠使援古證今不爲拘執則明體達用而名儒卽名臣矣

皇上稽古右文儒風丕振多士觀光鼓舞孰不爭自濯磨也哉
制策又以民生艱易賴乎守令而因舉夫歷代考課之法

臣竊

惟人才以考察而始彰亦以激勸而始奮則課吏不可不
嚴且明也自虞書三載考績三考黜陟爲後世考課之始
成周六計弊吏善能正辨必冠以廉或曰廉者察也或曰
廉者官之大節也官必廉而後他可觀故六計皆首之也
漢以六條察二千石晉以五條考郡縣而詳且密者莫備
於唐唐以四善校守令以八計聽吏治以九等別上下以
二十七最分等差焉嗣後宋因四善分爲三等政績優異
爲上等職務粗理爲中等臨事弛慢爲下等亦有足稱焉

狀元策

辛丑 恩科

十

若夫循吏之盛兩漢稱最其著於史冊者固昭然可考也
夫爲守令者首重曰廉其次曰才然或潔清自好而政事
不免於廢弛或材力有餘而節操不足以共信要在爲大
吏者操衡鑑之公嚴考校之用而後愛憎無私貪庸知警
博選羣才無愧名臣之望因材器使足收循吏之效也夫

聖朝吏治修明官方澄敘內外臣工宜何如奮發以臻上理哉
制策又以姑息適以養奸嚴威足以禁暴而因思夫嚴肅之規

與夫保甲之制

臣

謹案罪疑惟輕所以廣好生之德刑與

衆棄所以平萬物之情是以舜攝位而四凶服罪孔子攝
相而少正卯誅古聖人恩威並濟寬猛兼施誠所謂以生

道殺人者也乃若酒誥之文有謂爲小人傳會六經者韓非藪魯哀公實霜不殺菽之問有謂爲法家託聖言以文峭刻者蓋後世疑其言故有是論也夫風霜之肅正以濟雨露之滋故崔寔以嚴致平之言深得達權救弊之理也至若保甲之法所以弭患於未萌其制最爲詳善周官自鄉大夫以至閭師比長莫不聯其什伍合其衆寡以相保而相恤其後管子軌里連鄉之法猶此意也漢有亭長嗇夫唐有里正坊正皆足稱焉乃王安石行之熙豐而反以滋其累王守仁行之南贛而民復稱其便則非彼此之異宜亦行之者在乎其人也誠得良有司加意稽查實以濟

狀元策

辛丑 恩科

十一

嚴如張敞治京兆龔遂守渤海又安有秀民之足慮也哉聖朝保赤推恩羣黎徧德凡在下者有不滌邪穢而鏡至清哉制策又以兵所以威天下亦所以安天下而爰念夫柔遠綏邊之道臣竊念苗頑負固虞廷彰撻伐之威江漢陳師周稚

紀濯征之事自古文德誕敷不忘武備蓋必平日操演有素而後臨時制勝有方也漢之軍衛分屯都試行以十月唐之府兵分道講習舉以仲冬以至宋之更調明之團營皆陸路之兵也至海疆用兵若晉之孫恩盧循元之方國珍皆內寇窮蹙擁衆據險故易就削平焉若夫風帆浪楫出沒於雲濤浩渺之中約束既有難施而防禦尤非易事

是必當將帥之任者加意堵防悉力征勦艦兵杖審其
規制選練守禦蓄其銳氣整援會哨察其形勢遏之於遠
洋而使不常厥居禦之於近洋而使不得倂岸嚴攻守以
絕外來之奸匪密稽查以靖內地之奸民而後除暴定功
隨時制勝至於前事之可取法者如胡宗憲籌海圖編戚
繼光紀效新書練兵實紀以及朱統之嚴海禁疏鄭若曾
之江南經畧唐順之之武編是皆手操成算而非空談也

盛世揆文奮武整飭精詳行見海隅出日莫不思同我太平也
若此者傳聞強識經濟宏矣念勤簡能考察精矣除莠安
良邪慝弭矣懷德畏威疆宇安矣洋洋乎治邁鴻軒光照

狀元策

辛丑 恩科

十一

象緯金聲玉振奄九有以來同衡正階平總八方而爲極
上咸正下登三仁聖之事賅而帝王之道備矣臣尤伏願

皇上日新懋德天健昭行儒修已飭而彌切甄陶勵翼已勤而
愈殷考校姦宄已消而益嚴旌別震疊已著而尤切防閑
由是慶洽熙春歡臚函夏瑤圖鼎豫玉燭咸豐上迓蕃釐
下綏多祐猗歟休哉煥丕天之大理延亙古之隆儀則我
國家億萬年有道之長基此矣臣未學新進罔識忌諱干冒
宸嚴不勝戰慄隕越之至臣謹對

臣對臣聞崇經者政治之資課績者釐工之要除惡者安

胡家玉

良之本綏外者保國之謨載稽往訓詩咏就將書稱慎簡
容保特詳於易象軍政備著於周官茂矩隆規燦然具在
伊古帝王斟酌御宇錫福誠民以勤念典則青簡時陳也
以勵浚明則素餐致戒也以嚴糾察則黎庶胥馴也以訖
聲教則丹徼懷德也用是無怠無荒搜羅富焉有爲有守
吏治修焉引養引恬奸邪戢焉來享來王邊陲固焉所由
熙春泳化函夏翔仁被鴻名而揚駿烈者胥是道也欽惟
皇帝陛下治光離照德協乾符則古聖以同民體至仁以育物
固已六經畢貫而百職交修三刺無頗而萬邦內附矣迺
聖懷冲挹葑菲不遺思崇久治之規彌切疇咨之念進臣等於

狀元策

辛丑 恩科

三

廷而策之以敦經課吏禁暴綏邊諸大政如臣愚昧何足以

知體要顧當對揚伊始之時敬念拜獻先資之義敢不謹

述平昔之所講習者以勉效管窺蠡測之微忱也乎伏讀

制策有曰士不通經不足致用而因深戒夫尋章摘句之失此

誠積學之要圖也臣謹案聖賢之心法胥傳於學帝王之

治法畢見於經故經訓之垂皆爲有用漢廷治獄多引經

義其見於各傳者如雋不疑蕭望之輩不一而足尙書政

令之著具有精心春秋褒貶之嚴可通律令後世所以有

尙書春秋博士補廷尉史者周禮一書乃周公所以致太

平而作雖李氏獻周禮獨缺冬官然宇文泰蘇綽用之猶

得古人之遺意此外如劉歆王安石或用之以文奸或用之以致弊論者遂謂周官出於僞託非周公手定之書不知同此一經善用之則變通可以利國不善用之則泥古反以害民亦安可歸咎於經之不善乎或謂漢法未備故不得不援引經義以定科條後則事皆有例可援何必援古以滋惑顧例文因時變置條目過多而胥吏轉得上下其手以舞弊其閒是在操爲政之權者本經學以爲法令引經而不泥於經用法而不拘於法庶幾有濟於斯世也皇上稽古右文崇尚經術炳炳乎蓋駕石渠天祿而出其上矣制策又以民生艱易賴乎守令守令廉貪視乎大吏因詳求夫

狀元策

辛丑 恩科

十四

察吏課功之典臣惟虞廷三載考績黜陟攸分實攷課之所由始周以六計弊羣吏漢以六條察二千石猶此意也唐以吏部掌課事叙以四善分以二十七最法極周詳宋初因唐四善分爲三等後又立考官院以考中外官高宗又立縣令四課亦循名責實求有裨於官箴民命之意也攷吏治莫隆於兩漢西京所載循吏傳無非郡守至於東京則王渙劉矩仇覽童恢並以令長列於循吏傳而魯恭劉寬與夫潁川四長先後相望卓越一時皆無愧循良之選者也夫守令者親民之官守令之賢否實關民生之休戚以守重者曰廉能廉則不至掊克以累民其次莫如才

有才而後強幹有爲政平訟理民胥賴之然或清白自好而政事不免於廢弛或材力有餘而節操不足以共信將欲才德兼優晉登上理爲大吏者必綜核名實延訪風采木公正平易之心行激濁揚清之典則庶尹可以允諧矣聖朝吏治澄清天工時亮大法小廉固軼漢唐而侔虞周也已制策又以姑息適以養奸嚴威足以戢暴爰重念夫生道殺人

之政此尤安民化俗之大經也

臣

案五刑之用見於虞廷

象刑惟明罔于予正故舜攝位而四凶服罪孔子攝相而少正卯誅先聖後聖同此刑期無刑至意周書酒誥一篇其間言刑法者甚多有謂爲小人傳曾六經者魯哀公責

狀元策

辛丑 恩科

五

霜不殺菽之問具載於韓非有謂爲法家託聖言以文峭刻者雖各有見要非定論崔寔之言曰以嚴致乎深得達權救弊之理彼唐太宗赦爲小人之幸一語亦猶此意也至若弭患於未萌防奸於未發則莫如保甲保甲之設原於周官管子因而變通之創軌里連鄉之制其後亭長嗇夫稱於漢里正防正置於唐皆以井里相習之人察耳目近識之事法至善也然有治法貴有治人王安石行之熙豐而民不勝擾王守仁行之南贛而民以爲便豈有異術哉蓋稽覈必協於畫一而法令惟恐其紛更飭吏胥以察奸督兵弁以緝盜苟能善其防閑之術密其懲創之法則

吏胥與兵弁皆懼于嚴譴必不敢通聲息而援引爲奸矣
聖朝保赤推恩羣黎徧德於以躋一也於善良之城豈不休哉
制策又以兵所以威天下實所以安天下而因思整軍經武以
宏衛國之猷以重防邊之策臣惟先王有百年不試之威
而斷無一日不備之患周官大司馬之職振旅芟舍治兵
大閱其所以講求武事者尙已厥後漢有南北軍之設都
試都肄諸法訓練極詳唐因隋制而立府兵三時務農一
時講武爲三代以後良法其後更爲曠騎而兵力不振宋
之更調明之團營皆陸路之兵而用兵於海疆者則有如
晉之孫恩盧循元之方國珍皆立就削平焉若夫僂寇之

狀元策

辛丑 恩科

六

熾始於前明一時戰功昭著前則有胡宗憲後則有戚繼
光故其所撰籌海圖編紀效新書類皆親歷戎行備知虛
實非空談韜畧者可比此外如朱統之嚴海禁疏鄭若曾
之江南經畧唐順之之武編皆有裨於實用誠能探其要
領窺其本原將卒汰其惰窳偵探測其阻深器械極其精
良內好絕其勾結行見海宇鏡清而重譯有來朝之盛矣
國家八荒在宥七德有征恩威遠被萬國來同光天化日之
下皆將效梯航之貢以輸誠矣又何慮海氛之不靖也哉
若此者謹學以勵賢亮工以昭績誥好以善俗靖外以示
威戒循之功勤焉鵝梁之刺氓焉雀角之風息焉虎賁之

勇昭焉洋洋乎蓋仁聖之事，臣 旡帝王之道備矣。臣 尤伏願
皇上日新進德，天健昭行，本持盈保泰之心，臻錫羨延洪之慶。
學問深而益探經蘊，官常飭而更勛。臣 工民俗已淳，彌切
防維之意，海隅已靖，不忘禦侮之心，於以光玉鏡，披金繩。
上牙蕃釐，下綏多祜，奄九有以來，同奉三無而立極，則我
國家億萬年有道之長視，此矣。臣 未學新進罔識，曷諱，干冒
宸嚴，不勝戰慄，噴越之至。臣 謹對

狀元策

辛丑 恩科

七

奉

天承運

皇帝制曰朕寅承

昊蒼蒼命

列聖丕基兢兢業業夙夜不敢康二十有四年於茲矣顧臣鄰
尙少篤業之忱士子猶蹈輕浮之習邊圉之地利未盡開
九府之圖法未盡善措施何以當智慮何以周斟酌古今
揆度時勢爾多士稽古有素敷奏以言必有嘉謨用裨實
政大臣法小臣廉官職相序君臣相正國之肥也然則欲
正君臣序官職必自大臣始矣親民之官莫如守令守令

狀元策

甲辰 恩科

一

之賢否視乎上官之取舍古者興廉舉孝敦崇節行日計
不足月計有餘兩漢循吏大抵郡守令長而公卿時出其
中圖書褒勉增秩賜金取才之道意主風化其尙有合於
古歟郭子儀減樂於楊縮李師古折謀於杜黃裳豈武臣
疆帥亦視朝廷爲轉移歟抑中外相維大小相繫自然之
勢歟三物教民何以克收實效三載考績何以力屏具文
取人以身之義可指陳歟士也者民之望國之楨也孔門
論士何以首重行已有恥孟子亦言恥之於人大矣然則
知恥近勇人心風俗所繫顧不重歟三代以下士風莫盛
於漢其時莫崇節義敦厲名實轉移之權奚自而致清談

而後沿及唐末風氣疊變然而松柏後彫於歲寒雞鳴不
已於風雨繁豈乏人歟宋儒聿興迄於明代格物致知之
學與漢儒之通經致用其裨益風化同歟異歟綜觀古今
士風之所尚質之孔孟之言將欲挽墮靡返淳樸變化而
愧厲之何道之從歟自黃帝經土設井而寓兵於農之法
興三代因之無所謂屯田也漢文帝募民耕塞下始有屯
田之說漢武通西域後屯田渠墾其後日益加多如芍陂
南陽合肥成都金城不可枚舉其在西域者能詳考歟古
者播穀勸耕爰有農官之設農師田畯之名備見經傳西
域屯田官名見於史者能臚舉歟耕種必資灌溉鄧艾穿

狀元策

甲辰 恩科

二

渠最資利賴西域之水可導以溉田者能徵於古以言之
歟唐代營屯並稱或謂以兵民分其說然歟唐時諸道所
開之屯凡九百二十有二今西域尙有遺跡歟種植之法
詳於農書前代屯田有行區田者其法最善能詳考而言
其制歟古者賦通百物皆以布帛菽粟相交易自大禹有
厯山之鑄而其利始興太公立九府之法而其用遂廣周
官外府泉府所掌皆以錢爲斂散能詳言之歟秦并天下
幣爲二等漢武造白金三品尋廢不行是上下通行之貨
壹皆以錢未嘗用銀也以銀爲幣始於何時行於何地其

式若何其值若何採銀何以有禁用銀何以稱便能一一

縷述之歟錢式以何代爲最善論錢法者以何人爲最詳
蓋其用取乎流通利溥於民而權操於國制行於上而弊
除於下心如是而後可爲至善也宋始有交子鈔引之名
有元一代率用寶鈔明亦間踵而行之流弊滋多其得失
究安在歟凡此者以勗官常而實力實心母謂恬熙爲可
恃以敦土習而防情防僞毋使倖進以梯榮出作入息邊
隅何以臻康阜之休足國裕民泉府何以有流通之利謹
肄所及載籍所傳爾多士其詳著於篇朕將親覽焉

孫毓汶

臣對臣 聞熙績所以釐工植品必先崇實靖遠斯能奮武

狀元策

甲辰 恩科

三

阜財乃可裕民載稽往牒書美和衷禮詳造士詩歌誕稽
傳紀通商古帝王輿蓋二儀廬牟六合以昭亮采有守聿
懋有猷以砥廉隅觀器尤須觀德以謀儲蓄養民亦且養
兵以劑方圓眦規兼資焉莫不本夙夜勤求之實以握
天人交應之符用能宣化承流蓋懷篤焉覃精葆素令望
彰焉教稼整軍綏徠固焉制節謹度美利臻焉所由治泳
熙春歡臚函夏洋洋乎上暢垓而下源延恃此道也欽惟
皇帝陛下敦明勵翼勸訓譽髦修軍實以又安廣陶鎔以普濟
固已吏治胥澄而儒風允粹邊防悉備而鼓鑄咸興矣迺

聖懷冲挹猶切疇咨靡葑采而聽輿詢芻言而察邇進臣等於

廷而策以正官常祛滲俗嚴屯衛廣生財諸大政臣之愚昧
奚補高深顧幸際淵思下逮之時竊附拜獻先資之義敢
不敬舉生平所誦習者用効管窺蠡測之微忱也乎伏讀

制策有曰大臣法小臣廉守令疆帥皆視朝廷爲轉移而欲收
效於教民考績此誠政治之盛心也臣謹按體元者君而

調元者臣左禹右皋斯有明良之慶左周右召斯臻康樂
之休正君臣序官職始自大臣彰彰然矣漢以六條察二
千石丞相御史得雜攷郡國之計書其法郡課縣州課郡
公卿課羣吏守令賢否視上官之取舍故兩漢循良輩出
以令僕出爲郡守入爲三公聖書褒勉增秩賜金者不可

狀元策

甲辰 恩科

四

勝計其時取才尊重節行意主風化吏治蒸蒸日上爲近古
夫中外相維大小相繫自然之勢也唐中葉強藩跋扈不
秉中朝政令惟李文饒最爲河北畏服此外如郭子儀滅
樂於楊綰李師古折謀於杜黃裳亦皆見稱於時然李之
於杜固因其畏服之深若子儀則功冠唐室其亦身先奉
令者蓋尊宰相卽以尊朝廷殆與李愬之迎裴度同一能
知大體歟由此觀之爲大吏者苟能樹以清介之型明其
去取之別居中馭外以尊率卑則三物教民可收貫效三
載考績豈涉具文庶幾聯一德爲股肱而清和咸理合外

臣爲指臂而誠信交孚取人以身之道得國不於以肥歟

皇上澄敘官方凡在大僚敢不正身率屬而交贊乎邳隆也哉

制策又以士為民望首重有恥因緣古今士風所向而欲挽墮

靡以返淳樸臣竊謂士為四民之首欲整民風先端士習

孔門論士首重行已有恥故孟子四端並舉管仲四維是

稱良以廉恥固人心風俗所關也古者士習之淳漓恒視

朝廷之作養兩漢興廉舉孝崇實行而薄浮華故為士者

品望重於鄉閭謨猷光於史冊節行之士史不絕書洎乎

典午崇尚清談則蕩軼名教者踵接李唐特設科目而馳

騁文采者滋多然松柏後彫於歲寒雞鳴不已於風雨其

敦行勵品足以訓俗型方者蓋亦指不勝屈焉自宋迄明

狀元策

甲辰 恩科

五

講學日盛或以道問學為 或以尊德性為本其學不無

同異然觀明儒韓樂吾教化鄉閭從游者以千數其對縣

令曰凡與儂居者無訟牒煩公府令檢之果然則宋儒之

學其裨益風化與漢儒通經致用固有合之兩美者矣夫

自厚而簿者風俗相沿之漸而由淳而澆者人生習染之

常是以聖王在上崇學校以隆教養之規移郊遂以示愧

厲之道慮其鬻悅之徒繡也而名不矜範其跡弛之難羈

也而才不競蓋使頑廉懦立以期返樸還淳道必由此我

國家崇儒重道學校如林士可不敦行砥才副作人之化哉

制策又以黃帝經士設井禹兵於農而遞及前代屯田足邊之

法臣按古無所謂屯田也漢文帝用晁錯議募民耕塞下武帝通西域踵行之屯田渠犂厥名始肇其後輪臺車師烏孫伊循伊吾柳中則皆西域屯田之處也宜禾都尉屯田校尉戍已校尉田禾將軍及唐之營田大使則皆西域所置屯田之官也至於灌田之水如龍勒縣氏置水入澤灌民田敦煌郡冥安藉端水入冥澤溉民田並見漢書地理志瞿薩旦那城東南有大河國人用以灌田見唐西域記唐代營屯並舉有謂兵耕爲屯民耕爲營者然唐襄州營田亦調取鄰州之兵宋邊州屯營不限兵民皆取給用則營屯固不盡以兵民分矣西域屯田漢唐最多其遺蹟

狀元策

甲辰 恩科

六

如吐魯番之廣安城在元曰火州在唐曰安樂漢之柳中城也又苦峪城斷碑有大興屯墾荷鍤如雲之語則亦唐代開屯之遺蹟其種植之法以區田爲最善鄧艾因屯田亢旱曾於壽春行之收穫最豐法始伊尹可云盡善矣我皇上申命疆臣於新疆大興屯政裕邊儲而培生計豈不懿哉制策又以大禹有歷山之鑄太公立九府之法因及夫歷代錢幣之設臣按錢始太昊堯鑄歷山湯鑄莊山相沿不廢至

九府圜法設而外府掌齎賜內府掌貿易斂散之法備詳秦以黃金與錢爲幣漢制三品亦廢不行古固皆用錢也幣用金銀始於交廣見韓愈元稹奏狀又張籍詩云蠻州

市用銀中唐時中國猶未用銀也漢時朱提一流重一千五百八十他銀直千金史舊例銀每鈔五十兩直百貫因民間截鑿改鑄承安寶貨一兩至五兩凡五等每兩折錢一貫是其式與直不同者正統中罷銀課杜採辦之擾民洪武時以錢鈔易金銀因道路之險遠此採銀有禁用銀至便歟錢法以五銖開元爲善五銖鑄迄漢隋開元始自武德故錢最多論之詳者則泉譜錢通皆邦計所必錄也父子鈔引創始於宋元明踵行益滋流弊其中攷證得失惟許衡劉基允爲至當十妙十便之說固皆無以過之也若此者懋績以亮工屏浮以儆俗積儲以經武裕課以宜

狀元策

甲辰 恩科

七

民鋪鴻庥信景鑠仁聖之事貶帝王之道備矣臣尤伏願皇上至誠無息立政有恒夙夜寅清而正色益端表率章逢樸邀而宅衷彌汰華聞祥穀鋪芬而厲鍛芻糈均安遠徼洪鈞躍冶而縵環刀布利濟寰區由是吏道肅共士林炳蔚邊陲綏謐帑藏充盈上以祇迓蕃釐下以永膺多祜則我國家億萬年有道之長基此矣臣末學新進罔識忌諱干冒宸嚴不勝戰慄隕越之至臣謹對

周學濬

臣對臣聞釐工者熙績之資植品者作人之要裕饒者安

邊之務理財者足國之經載稽往籍六計掌於周官四術

崇於戴記九賦定於禹貢三僭繼於義爻自古帝王蘿圖
席瑞松棟凝釐以肅班聯則翼爲效職以修膠序則孝秀
興賢以實軍儲則飽騰樂業以通市易則平準成書由是
堂廉日贊而慶洽廣颺郊遂風移而化神鼓舞疆闢露積
而俗懋殷繁闡泉流而利臻解阜宏綱懿矩靡不燦陳
所爲治炳登咸宇躋仁壽上暢垓而下泝埏者此也欽惟
皇帝陛下亮采勤咨甄陶在宥擴井疆於衍沃權法象於方圓
固已籟籟明忱而圭璋砥行耨勸徧德而貨貝厚生矣迺
聖懷冲挹不遺細微念葑菲之兼資詢芻蕘而下逮進臣等於
廷而策以飭官常敦士習廣屯衛阜財求諸大政臣賦質庸

狀元策

甲辰 恩科

八

愚曷知體要顧當敷奏以言之日敬竭涓埃自效之衷敢
不勉述平昔所誦習者以比管窺蠡測之一得也乎伏讀

制策有曰大臣法小臣廉官職相序君臣相正而備及夫取人
以身之義此誠澄敘官方之至意也臣案書周官篇自三

公論道因而六卿分職九牧阜民吏治之隆洵自大臣始

親民莫如守令而守令之賢否視乎上官之取舍漢制以
守課令上而統於刺史上而統於御史丞相其責仍在大

臣也古者興廉舉孝敦崇節行日計不足月計有餘兩漢
循吏不過郡守令長而公卿時出其中當時而鍾離意桓

榮胡廣第五倫桓虞鮑昱諸人或出由令僕或人爲三公

班固書謂孝宣尤重守相有治效者璽書褒勉增秩賜金
天下不過數十郡國而二千石之行能皆獲簡於帝心是
以吏職修而民情達取才之道最合於古唐楊綰爲相質
性貞廉郭子儀在邠州行營座中聲樂減散五分之四杜
黃裳爲相李師古跋扈憚之遣吏寄錢數于緡使者到門
見其儉素歸告師古遂折其謀武臣疆帥視朝廷爲 移
中外相維大小相繫則大臣者非誠爲百揆之儀型也哉
皇上訓飭羣工二三大臣咸整躬率屬贊襄治而國以肥矣
制策又以士者民之望國之楨而因綜論士習之殊以期挽頽
靡而返淳樸

臣

案管子有言曰禮義廉恥國之四維四者

狀元策

甲辰恩科

九

之中恥尤爲要人之不廉而至於悖禮犯義者其原皆生
於無恥故孔門論士首重行已有恥孟子亦言恥之於人
大矣然則知恥近勇人心風俗所關非淺鮮也三代以下
士風莫盛於漢顧西京之世自孝武表章六經而後師儒
雖盛大義未明光武尊崇節義敦厲名實所舉用者莫非
經明行修之人而世風爲之一變轉移之權實在於此正
始風流盛於雒下厥後競相祖述習爲清談善乎晉書儒
林傳序曰指禮法爲流俗目縱誕以清高足以扶其弊矣
沿及唐末士氣益靡獨顏氏家訓教子數言尙有小死詩
人之意松柏後彫於歲寒雞鳴不已於風雨繫其人也宋

儒事興迄於明代格物致知之學與漢儒之通經致用其裨益風化從同夫變化媿厲之方莫急於勸學將廉二事使當時懷稽古之榮沒世仰遺清之澤而士風自丕振矣聖世同倫播化學校如林多士濟濟敢不修實行以副盛治哉制策又以黃帝經土設井寓兵於農之法與三代相因而因及夫後世屯田之制臣案古無所謂屯田也漢文帝用鼂錯議募民耕塞下始有屯田之說武帝通西域而輪臺渠犂皆有田卒數百人鄭吉爲都護徙屯田於北胥鞬元鳳中因尉屠耆之請遣司馬一人吏士四十人田伊循皆其在西域者屯田官名如崔不意爲漁澤尉教民力田效穀

狀元策

甲辰 恩科

十

因以名縣農都尉治番和宜禾都尉治廣至屯田校尉屬都護皆見於史者也耕種必資灌溉西域之水可導以溉田者班書地理志敦煌郡冥安縣南籍端水出南羌中西北入其澤溉民田龍勒縣氏置水出南羌中東北入澤溉民田其彰彰者唐興始置營田屯以民與屯田異宋至祥符猶營屯異制後襄州營田調取鄰州兵而營不獨民後營屯不限兵民皆取給用而屯不獨兵矣唐時諸道所開之屯凡九百有奇在西域者今苦峪城斷碑有大興屯墾荷鍤如雲之語尙其遺迹區田卽代田漢趙過教於居延鄧艾行於壽春所收常過纒田畝一斛以上其法最善矣

聖朝開闢新疆聿修屯政寓邊防於井牧洵萬世永賴之規也制策又以古者貨通百物自大禹歷山之鑄太公九府之法而錢始通行因詳論古今錢法臣案周官大宰以九賦歛財賄注財泉穀也又曰賦口率出泉也而外府掌齋賜內府掌貿易以泉散斂爲法碁詳漢書食貨志秦并天下幣爲二等孝武造白金三品尋廢不行是上下通行之貨壹皆以錢通典梁初交廣之域全以金銀爲貨唐韓愈奏狀亦言之此弊用金銀之始也金史食貨志舊例銀每錠五十兩其直百貫民間或有截鑿之者後遂改鑄銀名永安寶貨一兩至十兩分五等每兩折錢二貫而舊唐書亦有出

狀元策

甲辰 恩科

十一

內庫方圓銀之文是知式有大小而直有低昂矣唐元和三年詔以爲銀無益於生人見采銀坑並宜禁斷明正統八年從黃福胡濬等請命江南租稅折收金帛遠近稱便然自是倉廩之積少錢式莫善於開元論錢法莫詳於賈誼七福交子鈔引之名始於宋有元一代率用寶鈔明亦間用鈔法然宋人已嘗論之謂無錢爲本亦不能以空文行而昏爛倒換易滋流弊後世興利之臣慎無言此可耳國家寶泉寶源二局法臻詳盡利普流通誠漢唐所未有也若此者考詢以底績樂育以成材開墾以充儲陶鎔以利用廓帝絃信景鑠仁聖之事賅唐虞之道備矣臣尤伏願

皇上聖敬日躋聰明時憲篤棗已昭而猶嚴黜陟廉隅已厲而
彌切薰陶牧養已去而愈勤勸相修和已布而益謹度支
美醴之材備焉章縫之慶均焉糗糧之峙盈焉銖兩之權
協焉玉衡正泰階平汪汪乎丕天之定律帝者之上儀我
國家億萬年有道之長視此矣臣末學新進罔識忌諱干冒
宸嚴不勝戰慄隕越之至臣謹對

馮培元

臣對臣聞察吏所以宜猷作人必先立志明農斯能講武

通貨乃可阜財載稽往籍易繫泰交書詳蒙訓詩重徹田
之詠禮垂邦布之經古帝王握鏡臨宸錫疇御宇以分官
狀元策

甲辰 恩科

三

職廣喜起於朝廷以造人才勵修爲於庠序以勤樹藝課
種植於邊方以富寶泉理羨餘於府庫莫不本夙夜勤求
之實以握天人交應之符用能有猷有守工績熙焉無詐
無虞士風振焉教耕教戰地利開焉裕國裕民寶藏儲焉

所由洽洽熙春歡臚函夏受鴻名而膺多福者此也欽惟
皇帝陛下澄敘羣倫裁成多士擴封圻以遠衛權鼓鑄以懋遷
固已百職咸供而三升有慶千倉有備而九府胥通矣迺
聖懷冲挹猶切疇咨體至善之無遺冀邇言之可察進臣等於

廷而策以肅官常端士習脩邊屯均錢弊諸大政臣之愚昧
何足以仰贊高深顧當對揚方始之時敬念敷奏以言之

義敢不敬述素所誦習者用效管窺蠡測之微忱乎伏讀
制策有曰序職必先大臣親民莫如守令因又溯源於取人以
身之義此誠力屏具文而克收實效也臣謹案禮運大臣

法言盡臣道也小臣廉言不虧所守也長官奉法斯庶司
興廉故自講之以學至達之於順以身之肥設喻而推及
家國天下乃是聖賢成已成物之功大學脩齊治平之要
史記所載樞機周密品式備具上下相安莫有苟且猶得
此意漢制郡國課於刺史刺史課於御史丞相丞相上之
天子而取舍以行至所謂吏曰廉曰才曰慈惠曰強幹史
傳乃綜其實曰循循者良也有諸已而不徇乎人者賢守

狀元策

甲辰 恩科

十三

令也彼安靜之吏惻愍無華日計不足月計有餘漢章帝
戒俗吏矯飾詔猶取之而宣帝於良二千石璽書褒勉增
秩賜金或爵至關內侯公卿缺卽以次用之取才之道意
主教化其治最爲近古夫郭子儀之減樂李師古之折謀
爲大臣者清節儉德猶能使武臣疆帥默受轉移朝廷
庶明勵翼六德六行六藝三物以端其本日成月要歲會
三載以簡其能有不大小相維中外相繫臻得人之盛哉
皇上勸賞黜陟一本至公事事循名責實居官者敢不自勵乎
制策又以孔孟立教最重有恥爰綜觀古今土風之所尚臣案

孔孟務篤實鄙斗筲故首言行已有恥孟子存幾希惡機

械故極言不可無恥自來人心風俗返樸還淳要必敦士
習始漢初猶尙黃老自董仲舒正誼明道之策進而上則
興廉舉孝下則經明行脩延及東漢封卓茂以褒有德徵
嚴光以隆有道風聲所樹奕禩勿衰前後四百年間尊崇
節義敦厲名實士風稱極盛焉晉世尙清談乏廉操而劉
寔著崇讓論裴詭著崇有論迄陶淵明著歸去來辭皆所
謂恥隨流俗者唐代治經如孔穎達能文如韓愈大節如
褚遂良顏真卿諸人雞鳴不已松栢後彫此非其卓卓者
乎世之輕漢儒者以爲徒事訓詁少得心之功議宋儒者
以爲研精性命少致用之實不知漢儒通經足用裨益風

狀元策

甲辰 恩科

十四

化者良多故六朝反之而替唐貞觀因之而昌也宋儒格
物致知有功名教者匪淺故宋季指爲僞學而政紀以衰
明初奉爲正學而習俗以茂也得失之機昭然具在是在
世之爲士者立品以端其趨嚮力學以大其裁成然後服
古清脩溫文爾雅不歧於異端不汨於功利礪名砥節恥
不若人以兼收漢宋儒之益則誠可爲民之望國之植矣
聖天子崇尙實學加意激勸黼黻其躬宜更何如圭璧其心乎
制策又以屯政取法井田因詳考西域水利農官以及前代營

屯之法臣按黃帝經土設井寓兵於農三代未之或改厥

後管商雖變古制猶師其意而行之漢興文帝募民耕塞

下武帝通西域屯田渠犂亦卽規倣此意西域河有兩源一出葱嶺東流一出于闐南山下北流與葱嶺河合東注蒲昌海此其灌溉所利賴也伊吾宜五穀桑麻其北柳中皆膏腴之地故漢常屯田車師伊吾以制西域建都護之帥總領其權設戊己之官分任其事或置宜禾都尉或置伊吾司馬胥與藉田令丞稻農左長相爲表裏此農官之可考者也唐代諸道開屯凡九百二十有二時又有營田之名營者隙地置田固屯以兵不以民也兩漢以後如芍陂南陽合肥成都金城則又屯之以兵要之屯於塞上則就衛所以設防且耕且守屯於塞外則因地利以制勝卽

狀元策

甲辰 恩科

五

農卽兵由是區田法行種植盡善屯田之設其利至溥矣皇上八荒在宥俾伊犂等處加脩屯政所由其食和平之福也制策又以錢法必求盡善而用銀用鈔特參考其利弊此尤足國裕民之政要也臣考大禹鑄歷山太公立圓法周官外府泉府所掌皆以錢爲歛散是其用實與布帛菽粟相濟秦制幣二等黃金重鎰爲上幣錢重半兩爲下幣而銀不列焉漢武造白金三品特令王侯朝覲用之尋廢不行蓋通行猶未用銀耳唐憲宗詔五嶺以北見采銀坑並宜禁斷謂無益於民也通典言交廣之域全以金銀爲貨驛愈元稹奏狀並及之謂有便於民也逮金源正大中鑄承安

寶貨一兩至十兩分五等每兩折錢二貫其時上下一以銀爲幣而銀遂至偏勝矣鈔法本周禮質劑意始於宋置交子務迄明洪武造大明寶鈔以便民用蓋流弊極矣錢式若漢之五銖唐之開元通寶輕重最爲得宜務令制行於上權子權母之術精弊除於下私鑄私銷之弊絕斯能與賈誼七福之疏劉秩四美之論庶可以垂之永久也已聖朝理大物博泉流無滯所以規求至善者豈漢唐所能及歟若此者書屏以課最考道以成才按部以開田采山以鑄幣揚駿烈暢鴻床仁聖之事貶帝王之道備矣臣尤伏願皇上治益求治安益求安忠盡交輸而彰瘡猶思綜覈廉隅且

狀元策

甲辰 恩科

十六

飭而膠庠倍廣甄陶綏豐屢慶而耕種彌念邊陲府藏常充而權衡永垂制度天工人代道一風同和衆豐財守物御事洋洋乎東漸西被北燮南諧總八方而爲之極則我國家億萬年有道之長基此矣臣末學新進罔識忌諱干冒宸嚴不勝戰慄隕越之至臣謹對

奉

天承運

皇帝制曰朕纘膺大寶統御寰區中外乂安於茲二十有五載仰荷

昊蒼眷佑

列聖垂庥勅命時幾兢兢業業深念崇登進以熙治績籌積貯以裕倉儲敦教化以正風俗奮武衛以詰戎兵期膺上理延訪爲殷爾多士拜獻先資對揚伊始冀聆謹論式贊嘉猷治天下者重乎進賢用人舜典曰明試以功敷奏以言皋陶謨曰亦言其人有德乃言曰載采采知人則哲自

狀元策

乙巳 恩科

一

古其難帝世若是其鄭重也乃後世君臣相得或取決於立談之頃若張良之以石投水王猛以異符同契何耶大智若愚大詐若忠或外忠而內奸或始賢而終佞察其誠僞辨其邪正厥道何由夫君子小人各從其類然如諸葛亮李泌司馬光諸人卓然名世必無徇私阿比之習而其所薦舉者或未必皆賢或反爲其所誤抑又何說孔子曰取人以身程子曰在己者能知言窮理則能以此察人斯則濬其源之論也試更闡發而詳言之夫食爲民天周禮倉人藏粟旅師聚粟遺人委積其爲儲蓄甚備常平義倉社倉立法最善然行之既久均不能無弊元史所載河西

務十四倉京師二十二倉通州十三倉卽今制所由昉顧
天庾轉輸丁胥叢雜回漕攙和之弊何以杜之平糶所以
便民其後或築富人倉或置東西市果可遵歟管子守國
守穀之說李惺糶三糶二糶一之論所言果有當歟宇文
融之益貯九穀孫成之發倉賤售皆有可採歟豐歉因乎
歲久暫因乎時燥溼因乎地果何術而使儲積無紅朽之
虞售易無騰踊之患歟則轉輸之法糶糴之宜久貯之方
平價之道非尤宜亟講歟司徒脩六禮明七教凡以節民
性興民德也坊記數千百言皆以坊民而已故周禮有禁
隸之官王制嚴左道之律我國家化澤涵濡士大夫讀書

狀元策

乙巳 恩科

二

明理自不爲異論所移至鄉曲蠢愚或誘於禍福之說往
往有焚香誦經自懼法網若梟從禁絕則祈報蜡社皆將
爲吏胥需索之端如慮其滋擾而不爲之坊又恐姦黠淫
徒轉輒煽惑釀成巨案今將爲杜漸防微清源正本使愚
氓盡知禮義之維而奇袤不作其何道之從歟古無所謂
兵凡民皆兵也無所謂將六卿皆將也周官之制居則爲
比閭族黨州鄉出則爲伍兩卒旅師軍至春秋而晉有爰
田楚有兩廣古制日紊自後崇卒用徒車戰又廢豈古之
制不宜於後歟漢則內有南北軍外有郡國兵厥制奚若
唐之府兵最爲近古何以改爲彊騎宋收節度之權改爲

更調孰爲合宜明之五軍都督府猶有唐府兵遺意何以
改爲十二團營又改爲三大營歟夫兵可百年不用不可
一日無備其何以副朕整飭戎行設兵衛民之意乎凡厥
四端克知灼見之用惠民利濟之方安良除莠之護經武
整軍之要皆立政之大綱保邦之至道也多士學于古訓
通知時事以敷奏爲明試務收實用毋撫庸辭朕將親覽
焉

蕭錦忠

臣對 臣聞爲政在於得人藏富所以裕國除邪斯能善俗

講武乃可衛民上稽古訓書紀旁求禮詳制用易著執民

狀元策

乙巳 恩科

三

之義詩陳纘武之歌自古帝王恭已垂裳撫辰錫極惠疇
亮采則百揆宅也酌盈劑虛則四輔充也型方訓俗則五

教敷也禁暴戢兵則六軍節也茂矩隆儀粲然具備用是

官方敘而慎憲省成積貯豐而量入爲出治道宏而協和

於變兵戎詰而有勇知方所爲廣人才紓物力施文德揚

武威經緯萬端甄陶庶彙承燕翼而奠鴻基者此也欽惟

皇帝陛下朗鑑無私運籌有要董勸垂爲善政訓練著厥常經

固已賢慶升庸而人歌豐慶俗徵字化而律叶師貞矣迺

聖懷冲挹深維長治久安之道益切持盈保泰之恩進臣等於

廷而策以崇登進豫積儲敦教化奮武衛諸大政臣之愚昧

奚知體要顧泰山峻極猶資土壤之微滄海宏深尙納涓
流之細敢不謹竭素所誦習者藉摭葵藿之微忱乎伏讀
制策有曰治天下者莫重乎進賢用人因慎思夫觀人之法此

誠求賢審官之至意也

臣

謹按舜典敷奏明試言考試必

審也皋謨有德載采言稱人者必舉事爲驗也人不易知
知人亦不易古帝王稽之輿論考之平時猶必試以事而
後任以官蓋知人勞而後任人逸也乃若立談之頃相契
有真如張良以石投水王猛異符同契雖一德之可稱固
千載而間遇矣夫忠奸分於片念賢佞畧在幾微浮華夸
詐之士持論多工是內外不盡相合也慷慨激切之徒中

狀元策

乙巳 恩科

四

道輒廢是始終不必一塗也善夫論衡之言曰以九德檢
其行以事效考其言行不合於九德言不驗於事效人非
賢則佞矣其言與典謨之旨相發明所以察誠僞考邪正
之道豈外是哉若夫以愛才之心爲節取之說如諸葛亮
用馬謖節制顯違李泌舉竇參貪恠不職司馬光急去新
法蔡京因緣進用縱非私比終昧鑑衡孔子言取人以身
程子言知言窮理惟能擴己之學識斯能觀人之賢否耳
聖天子神明廣運灼見無遺所爲大法小廉官方由此澄敘也
制策又以食爲民天因求重農積粟之道

臣

惟周禮倉人掌粟

入之藏旅師掌聚野之粟而用之遺人掌邦之委積卽後

世常平義社所由昉然常平起於耿壽昌劉般謂弊在豪右爲奸義倉起於長孫平胡寅謂弊在書吏侵蝕社倉起於朱子馬端臨謂弊在所司非人非法之不善也創法之人以實心而行善政故法興而利溥守法之人以良法而濟私心故法敝而害滋有治人無治法斯之謂矣元史河西務十四倉京師二十二倉通州十三倉卽今制所昉得其人則轉輸不勞而回漕攪和之弊可息也北齊築富人倉唐時置東西市皆古法之善得其人則糶糴易平而販積紅朽之虞可免也夫齊得管仲守國守穀之說以通輕重之權魏得李悝糶三糶二糶一之論以定貴賤之準字

狀元策

乙巳 恩科

五

文融益著九穀則倉廩充孫成發倉賤售則市糶便蓋豐歉燥溼係乎時地也儲積售易係乎人謀也欲求轉輸糶糴久貯平價之方各得其要亦視所任之各得其人而已

皇上念三農之生穀式九用以宜民立法精詳仁恩至優渥矣

制策又以愚氓易惑於禍福之說自惟文網爰思杜漸防微正

本清源之計斯又化民成俗之美意也臣聞蘇軾有言曰

聖人於天下所恃爲牢固不拔者在天下之民可與爲善

而不可與爲惡也古之時修禮明教化民有方章疑別微

坊民有要周禮禁讖之官王制左道之律凡以使民遷善

遠罪而已夫愚氓之無知必不能如士大夫之明理其惑

於禍福之說焚香誦經民之罪也其或於蠢愚之譏作奸
犯科非民之罪也今將嚴爲之禁則吏胥藉以需索不爲
之坊則積久釀成巨案豈知三代之民去末反本背僞歸
眞非必有爵賞勸於前刑罰迫於後其心安於善之可爲
而明夫不善之不可爲故耳是故嚴異言異服之誅杜其
漸也行保甲社長之法防其微也勸農桑務技業正其本
也興學校明教化清其源也夫民不迫於飢寒不誘於奇
衰州縣長吏復以時進其父老與之講論率其紳士相爲
勸誠上之所令民深信而無所疑民之所爲上周知而無
所蔽上與民浹洽如是回心嚮化革薄從忠何難之有哉

狀元策

乙巳 恩科

六

聖朝化澤涵濡仁恩普被道德一而風俗同洵前古所未有也
制策又曰兵可百年不用不可一日不備因詳及前代兵制

臣

思古者兵民不分爲二途文武不分爲兩職周官之制居
爲比閭族鄒州鄉出爲伍兩率旅師軍家家使之爲兵人
人使之知兵教練不厭其多調發不嫌其少故人皆習於
兵革而不疲於征戰逮爰田有作兩廣成軍晉楚之伯已
紊成周之法矣車戰以陷堅陣要強敵衛青田豫猶恃以
成功宗澤李綱尙存其遺制然平川足以奔衝山險不如
徒卒非僅古制不宜於今也漢南軍掌宮城門內兵北軍
掌京城門內兵民兵散於郡國有事召以羽檄建元以後

南北兵制壞焉元狩以後郡國兵制壞焉唐武后變府兵之法改爲彍騎而以下犯上之患生宋太祖收藩鎮之權改爲更調而暴戾恣睢之習去明成祖分步騎爲五軍無事足壯國威有事足禦外侮復設五軍神機三千大營子謙請選其精銳立十團營後又增十二兵制於是屢更矣國家承平化洽疆宇肅清揆文卽以奮武有勇且可知方軍政周詳戎行整飭所爲海島重洋之地莫不畏威懷德也若此者籲俊以熙工阜財以利濟懲惡以勸俗整武以經邦楨幹之才裕焉倉箱之積盈焉稂莠之害除焉弧矢之威著焉洋洋乎仁聖之事眩而帝王之道備矣臣尤伏願

狀元策

乙巳 恩科

七

皇上天行不息日進無疆本屬精圖治之誠臻累洽重熙之盛臣工已肅而旌別彌嚴食貨已充而時儲更亟惠懋已彰而益思康乂聲威已震而愈切懷柔於以淳洪密之德豐茂世之規上暢九垓下沂八埏聿迓天庥誕膺多祜則我

國家億萬年有道之長基此矣臣末學新進罔識忌諱干冒

宸嚴不勝戰慄隕越之至臣謹對

臣對 聞作人者熙績之資足食者厚生之本除莠者安
良之法振旅者經武之猷自古帝王握鏡臨宸執樞建極
以延宅俊則衡鑒無偏以謹蓋藏則倉箱有慶以嚴彰瘁
則觥撻交修以壯聲靈則干城足用載稽往牒三物重賢
能之典八政陳食貨之疇五教立親孫之型六師致張皇
之訓用是圭璋比德選盡英髦旒歌豐歡騰樂利陶鈞
煦物化及蠢愚介冑知方勤修忠信崇規茂矩燦然具陳
所爲函夏從風熙春播愷受鴻名而膺多福者此也欽惟
皇帝陛下裁成萬類利濟羣生節禮樂以中和寓懷柔於震疊
狀元策

乙巳 恩科

八

固已盈廷奏績而高廩充儲比戶興仁而折衝制勝矣迺
聖懷冲挹猶切疇咨體至善之無遺冀邇言之可察進 臣等於

廷而策以辨賢良籌積貯正風俗繕甲兵諸大政 臣之愚昧

奚足以仰贊高深願當對揚伊始之時敬念敷奏以言之

義敢不勉述素所講習者以效導涓撮壤之微忱乎伏讀

制策有曰治天下者莫重乎進賢用人因詳求夫誠僞邪正而

推本於知言窮理此誠圖治之大綱也 臣竊觀古昔聖王

莫不以知人善任爲先務而其用之也有其難其慎之思

故先之以道德以觀其行申之以猷爲以辨其才終之以

車服以彰其庸尚書曰敷奏以言明試以功言循名而責

實也又曰亦言其人有德乃言曰載采采言德裕而事成也當是時君臣疇咨於廟堂賢才蒙征於草澤四海之內咸鏡清而砥平矣漢唐以來主臣同符若漢高祖之於張良唐太宗之於魏徵宋藝祖之於趙普以及符堅之於王猛皆是也舉於干戈擾攘之中進之帷幄運籌之下卒能開濟功業埽除艱難致人主於隆盛受大任而不疑於斯之時干載一遇也雖然用人之道尤當核其邪正察其誠偽古之君子誤用小人史冊所載不可勝數諸葛亮之節制能相昭烈治蜀而不能得之李嚴馬謖李泌之學術能佐肅宗中興而不能得之竇參司馬光之忠正能成元祐

狀元策

乙巳 思科

九

到治而不能得之蔡京知人則哲自古爲難洵非虛語也聖天子澄敘官方旁求俊傑內而羣尹庶司外而封疆大吏所以董率庶僚甄別優絀有不矢公矢慎以日臻上理者歟制策又以食爲民天而稽諸周禮儲蓄之宜與夫久貯之方平價之道此尤保赤之盛心也

臣謹案釋耀散斂之法始自

管子而實具於周禮倉人藏粟旅師聚粟遺人委積立法綦詳厥後漢耿壽昌有常平倉之設權衡貴賤因時濟民其弊也名存而實亡隋長孫平有義倉之設當社出穀豐收歉散其弊也借少而償多宋朱子有社倉之設主守則歸於鄉收散則請於郡其弊也待用急而與發遲大抵天

下無百年不敝之法顧用法之人何如耳苟得其人無論上熟中熟下熟之異斂和糴俵糴兌糴之異名北齊富人倉唐東西市之異制遵而行之咸有成效不得其人雖守文融之儲穀孫成之發倉上則官司虧蝕下則胥吏侵漁外則駟僧囤積非徒無以濟民生適足惠奸貪資中飽而已天庾轉輸丁胥叢雜又安能事爲之制人爲之防乎惟徵收嚴其稽覈而回漕攪和之弊消斂放相其時宜而儲積紅朽之患息庶幾倉庾豐而民生洽歟考之元代京師二十二倉河西務十四倉通州十三倉以及河倉十有七皆領於京畿都漕運司挈領提綱大小相維立法頗善我

狀元策

乙巳 恩科

十

朝損益因時沿革盡利所以保惠閭閻者誠法良而意美矣制策又以周禮有禁虺之官王制嚴左道之誅而思杜漸防微

正本清源之計

臣

案王制司徒修六禮以節民性明七教

以興民德坊記一書皆以坊民而奇表有禁左道有誅者

稂莠除而後嘉禾茂也周官制民之法黨正閭師閑其邪

僻司諫司救申其誅讓是時政教休明風俗醇厚荒誕吏

離之說無或奸其間者漢承秦制有三老嗇夫游徼三老

以掌教化游徼巡禁盜賊以詰奸慝而輔風教法至善也

古者處士於閒燕處農於田野處工於官府處商於市井

終身不遷異業又奚暇外慕哉是故父兄之教不肅而成

子弟之學不勞而能承平日久上恬下嬉焚香誦經往往而有爲長吏者始則姑息以憫其愚頑繼且隱忍而釀成事變嚴保甲之株連則真酒秧歌皆成例禁藉兵丁以緝黠則苗耨髮櫛殃及贅從此刑罰所以繁而奸宄不可勝歎善乎歐陽修之言曰莫若修其本以勝之行之以勤而被物者洽浸之以漸而入人者深斯經正民與邪隱息矣國家仁育義正一道同風生斯世者其孰敢自外於陶成哉制策又以古者凡民皆兵六卿皆將後世兵民始分而詳考夫歷代兵制臣聞弧矢以威天下聖人不得已而用之周制居則比閭族黨出則伍兩卒旅教練勤而調發簡故以戰

狀元策

乙巳 恩科

十一

則勝以守則固至於晉作爰田楚矜兩廣而兵制寢衰矣漢制有京師兵南軍衛宮城北軍衛京城是也有郡國兵率更踐更爲工役過更謫發爲戍邊是也厥後武帝變番上爲長屯光武變長屯爲遠征兵制遂壞魏晉而後惟宇文氏略仿周制得大小相維遺意唐初府兵統練有法更代有時無事歸農有事歸將事解則兵歸於府將歸於朝將不握兵兵無廢事後乃募土宿衛更號彍騎而府兵之制一變宋收天下精兵列營京畿內兵統於樞密外兵總於三衛明初設五府四十一衛承襲更設五軍神機三千大營于謙汰老弱選精銳分立團營誠簡練節制之師矣

聖世棧威遠播神武懋昭豈前代之成規所得而比權量力哉
若此者知人以立政貴粟以勸農設教以防民詰戎以奮
武汪汪乎丕天之大律震今鑠古莫之與京矣臣尤伏願
皇上治益求治新又日新積幹已儲而愈神甄拔芻蕘已峙而
更重輸將刈遂已移而倍嚴旌別蒐苗已習而彌勵耜耜
八枋之臨馭尊焉萬寶之收成富焉六德之漸摩厚焉五
戎之訓練精焉扇巍巍翼翼體堯蹈舜甄殷陶周則我
國家億萬載有道之長基此矣臣末學新進罔識忌諱干冒
宸嚴不勝戰慄唱越之至臣謹對

狀元策

乙巳

恩科

主

臣對臣聞舉賢者任官之本裕食者藏富之基型方者敦俗之原經武者壯猷之要自古帝王樹元御宇錫極臨宸以簡循良則經綸助理焉以圖積貯則樂利蒙庥焉以廣甄陶則平章奏績焉以伸討伐則頑梗畏威焉稽諸往籍於易而筮連茹於書而詳播穀於傳而嚴去莠於詩而頌懲荆茂矩隆儀粲然具備用是攷行攷藝才俊登也乃積乃倉儲藏厚也引恬引養彞訓遵也有翼有嚴精良備也所由揚駿烈播鴻庥備五福而協庶徵者恃此道也欽惟皇帝陛下恩隆鼎養治溥豐綏勤觀省於方陬繫師貞於步伐

狀元策

乙巳科

七

固已四門是闢而百室常盈萬姓允懷而六軍皆振矣迺聖懷冲挹猶切疇咨厘葑菲之無遺冀芻蕘之可採進臣等於

廷而策以崇賢俊實倉儲正民風修武備諸大政臣之愚昧

何足以知體要顧當對揚伊始之時敬念拜獻先資之義

敢不述平昔之所誦旨者以效管窺蠡測之微忱乎伏讀

制策有曰治天下者莫重乎進賢用人而因講求顓俊之方選

舉之道此誠澄敘官方之要務也臣考舜典論明試皋陶

謨論知人想見帝世官人鄭重真有進賢如不得已者乃

若張良之未遇也其言如以水沃石莫之或受及遇沛公

如以石投水莫之或逆王景畧之謁苻堅一見如舊語及

廢興大事異符同契是皆君臣相得取決於立談之頃者
豈知人則哲後世能勝前代乎蓋執慎舉以用人必考察
之有素千載尚之操特識以拔人爲鑒賞之非常一時行
之天君子爲蓋簪小人爲朋比人以類從其說近是然如
諸葛亮李泌司馬光之賢其所薦舉或假智術以希榮或
挾經術以誤國何失人若此所謂大智若愚大詐若忠或
外忠而內奸或始賢而終佞察辨良非易易其於聖言曰
取人以身程子曰在己者能知言窮理則能以此察人潛
源之論多昧之耳要之識微知著必當燭之於其先斯位
事建官不致悔之於其後持進退之權者辨之宜早辨也

狀元策

乙巳科

六

聖朝灼見克知道隆黜陟凡百臣工孰不謹官常以熙庶績哉
制策又以食爲民天因詳稽夫歷代儲蓄之經轉漕之法此誠

足國養民之至計也

臣

按周禮倉人藏粟旅師聚粟遺人

委積其法甚備至漢耿壽昌設常平倉隨長孫平設義倉

朱子有社倉之設大意穀賤則增價糴之以利農穀貴則

減價糶之以利民法皆平糶而已然不得治人遂難久行

夫粟之出於民而聚於官也元史載河西務十四倉京師

二十二倉通州十三倉爲今制所由昉顧天庾轉輸必假

丁胥之手乃或回漕以彌其闕或攬和以混其真是必嚴

杜諸弊然後倉儲得實平糶斯克便民有如築富人倉置

東西市管子通輕重之權爲守國守穀之說李悝濟緩急
之用爲糴二糴一糴一之論宇文融之益貯九穀孫成之
發倉賤售有可採焉蓋其始輸納不受胥役之奸則穀皆
精足倉貯自必可久其後糴糴能通農民之餘則貨有酌
劑市價自無不平而又權乎歲之豐歉時之久暫地之燥
溼以爲斂散豈猶慮有儲積紅朽之虞售易騰踊之患哉
皇上軫念民依履思足食斯躋仁壽於羣生普豐亨於寰宇矣
制策又以正俗所以化民安良必先除莠因勤思夫摩義漸仁
之治臣考司徒修六禮以節民性明七教以興民德坊記
一篇不下數千百言凡以坊民之邪慝而已周禮設禁醜

狀元策

乙巳科

九

之官王制著左道之律彰善癉惡法紀嚴明無如鄉曲蠢
愚當夫邪說明興誘於禍福斂錢聚眾焚香誦經若於此
概從嚴禁恐吏胥因而需索卽祈報蜡社亦肆誅求若慮
閭閻之滋擾而稍弛其防又恐姑息養奸久而難制一旦
舉發釀成巨案寬猛皆失何以爲治惟在明唐虞夏商周
之道述仁義禮智信之言官府爲之表章宣布而士大夫
讀書明理日以名教徧傳於鄉里間崇正術黜邪說俾小
民耳濡目染異論無以惑其志利欲無以動其心匪徒無
以售其奸黨役無以乘其隙而平日之爲民上者又不可
不豫爲之防密爲之訪散其羽翼杜其萌芽將見潛移默

率肯僞歸真經正民興清源正本庶草野無奇袤之作編
氓知道路之遵又安有姦宄滋生而甘自罹於刑辟者歟
聖天子教養兼隆風同道一正德利用厚生成三事和親康樂
安平爲一書光天之下有不薰德善良勉爲太平之民哉
制策又以兵可百年不用不可一日無備因切夫整飭戎行設
兵衛民之意百考三代以前寓兵於農凡民皆兵無所謂
兵也天子之六軍寄於六卿亦無所謂將也無事則爲比
長間胥族師黨正州長鄉大夫有事則爲伍兩卒旅師軍
此成周之制也沿及春秋晉作爰田楚分兩廣古制日紊
兵法日增鄭莊公始寢車戰而出徒以取勝趙武靈王又

狀元策

乙巳科

二

變車戰而用騎以制敵嗣後崇卒用徒車戰盡廢非古制
之不宜亦時向之各異也漢則置材官於郡國而京師有
南北軍之屯誠得居重馭輕內外相制之道唐置府兵將
居於朝兵居於府將無握兵之權兵亦未嘗無事而食其
法最爲近古後又改爲彍騎而府兵之名於是廢矣宋懲
唐未藩鎮之強因收節度之權改爲更調明置五軍都督
府猶有唐府兵遺意亦卽宋收兵權之法後改爲十二團
營又改爲三大營或置或廢復古殊難要之克敵在兵制
兵在將必將將之能得其道而後將兵之盡得其人矣我
朝文德誕敷承平亦禩士盡干城偃武而不忘武備人同袍

澤用威而遠暢威權磐石無虞金湯永固誠郅治之隆也
若此者廣登進之階以資輔弼充倉箱之數以裕蓋藏過
講張之習以返敦龐昭震疊之容以嫺鞫畧矣臣尤伏願
皇上治差衆治安益求安英才已萃而猶念招弓解阜已歆而
尙謀比櫛風俗已端而彌宏振鐸糾桓已著而倍切止戈
槐棘之濟蹌盛矣稼穡之利賴隆矣黔黎之淳樸完矣干
羽之聲靈著矣由是煥丕天之天律延亘古之上儀則我
國家億萬年有道之長基此矣臣末學新進罔識忌諱干冒
宸嚴不勝戰慄隕越之至臣謹對

狀元策

乙巳科

三



張

耀

庚

臣對臣聞學古者入官之助因時者善俗之謨舊武者衛

國之方修渠者興此之要稽諸往籍解經有記立政陳書

整旅興師濟川紀績茂矩隆儀杲然具備自古帝王斟元

御宇握鏡臨宸以之考典冊而多免多聞以之續統緒而

建中建極以之唱止齊而亦整亦暇以之謀疏濟而成允

成功用是訪範陳疇心源接焉揆幾度物上理昭焉麾旄

仗鉞兵氣揚焉竟委窮源明德遠焉所為揚駿烈迺鴻庥

函夏歸仁熙春冰化飲和六寓暢德九垓者恃此身欽惟

皇帝

陛下建極綏猷整綱飭紀登茲治於大同罕丕基於永固

固已理貫天人而極隆歸舍教徵漸被而道利轉輸矣迺

聖懷

沖挹猶切疇咨期至化之旁敷察微言於在邇進臣等於

廷而策以學古之功宣猷之要整軍之畧治水之方如臣愚

昧何足以知體要願當對揚伊始之時敬令拜獻先讀之

義敢不敬述乎昔所謂習者用効葵藿之微忱也乎伏讀

若此者稽已守其祝業育材重乎師儒察吏取乎善能治

渠順其形勢綱紀萬端東權衡而裁制盡年六合參化育

以甄陶洋洋乎洵亙古之亡儀丕天之偉烈矣臣尤伏願

皇上

治益求治新又日新本至誠無息之表臻累洽重熙之盛

宥容其焉復切勤修造就宏而愈少文治才新麻巾彌節

官常宣高咨而倍興水利光玉鏡披金繩上牙蕃檉下綏

多祐德徵風動澤洽露生角六幕以同風統八紘而秉朔

星輝雲燦廣復回之光筆鏡清砥平筆無疆之寶祚則我

國家億萬年有道之長基此矣臣求學新進罔識忌諱干冒

宸嚴

不勝戰懼隕越之至臣謹對

沈道。代澤涵濡仁恩普被。心翼之終日乾。然在則有德美年節筭席。二月參三主極。掖兩用中體元。注健履泰持盈。

文。振興文教。俾漢為章。折衷衆論之異同。蒼華諸儒之精。紹典章明備。一遵周凡。稽古文儒。凡五振。

兵。德威遠播。中外又安。撥之奮。方整飭。矜矜。士盡千城。偃武不忘武備。人向袍。釋用威而遠暢。厥。神。布昭天威。振。

刑。威中有慶。法外施仁。約刑措之休。臻。蕩平之治。期寬猛之相濟。必輕重之適均。民志靜而奸不生。民氣和而刑可措。選必準。法惟求。民惟。

聖。子。日新。進德。天健。昭。行。至。神。無。思。之。行。有。恆。定。才。高。深。聰。明。天。宣。德。車。樂。御。玉。振。金。聲。月。

士。習。澄。叙。羣。倫。裁。成。多。子。宏。樸。棫。之。化。重。清。廉。之。選。敦。崇。實。學。獎。厲。士。林。

民。凡。重。熙。累。洽。民。俗。敦。龐。經。正。民。具。邪。慝。不。作。道。德。一。凡。俗。同。民。皆。樂。業。比。戶。可。封。

禮。議。道。自。己。不。置。法。以。民。體。元。成。化。因。特。制。宜。建。中。錫。極。左。緝。右。規。夾。海。寓。心。馳。凡。聲。輪。裳。而。受。範。

海。防。懷。柔。震。疊。希。國。未。同。撫。輯。萬。方。無。遠。弗。屆。承。平。化。治。彊。宇。肅。清。揆。文。以。登。武。有。勇。且。可。知。方。海。富。重。洋。之。地。莫。不。畏。威。懷。德。

河。道。慶。泰。安。瀾。功。成。作。輶。產。懷。轉。運。詔。誡。維。殷。

選。一。章。日。達。聰。明。日。登。明。監。公。四。門。籲。俊。一。德。旁。求。虛。公。以。慎。簡。乃。僚。崇。實。恕。而。隨。才。器。使。

察。吏。吏。治。修。和。官。方。澄。叙。灼。見。克。知。道。隆。熙。涉。整。飭。官。常。刪。除。冗。濫。廉。法。從。凡。德。才。課。最。

保。甲。仁。古。有。義。正。道。一。凡。同。設。奇。衰。之。禁。嚴。左。道。之。誅。一。鄉。而。識。教。之。易。現。蜡。而。知。道。之。行。

積。貯。愛。育。黎。元。有。加。無。已。已。軫。念。民。依。屢。思。只。食。膾。仁。壽。於。羣。生。普。豐。亨。於。案。寧。義。倉。社。倉。之。自。區。間。今。官。為。經。理。可。謂。法。良。意。美。矣。

錢。法。酌。盈。酌。虛。通。商。裕。國。實。實。實。元。二。句。法。臻。詳。盡。利。普。流。通。